

儀禮經注疏正譌

儀禮經注疏正譌卷三

嘉定金曰追著 受業張式慎校

士相見禮第三

士相至某見

疏脫尙書云三帛二生一死鄭云士執

雉

今本脫鄭云士執四字依通解校補

主人對曰某不敢爲儀至走見

注脫字古文云固以請也

請下今脫也依通解及鍾本補

賓對曰某也不依於贊至以請

注脫句今文無也

注謙自卑也下通解及鍾本有此四

字今本脫

賓對曰某也非敢求見至命者

注脫句今文無也

注不敢當也下通解及鍾本有此四字今本脫

主人對曰某也固辭至不從

疏脫字若然聘禮公迎于大門內

今本脫然字依通解校

又脫字故至禮賓乃爲賓身

今本脫乃爲賓三字依通解補

若嘗至固辭

經誤字若嘗爲臣者

嘗今誤作常依唐石經改正

擯者對曰某也命某至以請

疏誤衍九字今案某也蓋主人之名

此九字既不係疏文又非釋文之語
而兩行贅于注下蓋通解本外注傳
寫者不知而誤存于此耳

大夫則辭至三辭

注異字下猶降也

今本作下亦降也通解作猶降存以

廣異

疏誤字臣中尊者亦得辭降也

亦今誤大

非以至之老

注誤字不稱寡君

君監本誤者依錢塘鍾氏本校正

執玉至曳踵

疏誤躓踰則顛倒

顛今本誤鎮

凡自至外臣

注脫宅者謂致仕者也致仕者去官而居

宅

今本脫也致仕者四字依鍾氏本校

補

又誤刺猶剗除也今文宅或爲託言文茅
作苗

今本今文以下十一字反在刺猶剗
除也之前依通解楊氏圖及陳本鍾
本校正

儀禮正義卷三

儀禮經注疏正譌卷四

嘉定金日追著 受業張式冀校

鄉飲酒禮第四

疏引鄭目錄脫文以禮賓之與之飲酒鄉飲酒

於五禮屬嘉禮

今本脫鄉飲酒三字據通解補正

鄉飲至賓介

疏誤倒鄉大夫雖行飲酒禮賓之于君其

簡訖仍更行飲酒禮賓之于王

賓之于君賓之于王文本相對今本
誤倒君其二字依通解校正

又脫字或鄉大夫居此黨內

通解本居下有此字今本脫

又脫文或曰賓若有遵者一章卽尙畱之
義也

通解本疏末更有此十五字今本脫

主人戒賓至賓答拜

疏脫字是以下文云賓拜辱注云賓又拜

辱者以送謝之也

今本脫注云賓又拜辱六字據通解

補之

設洗至南肆

疏誤字謂從堂廉北至房室之壁

室今誤屋據通解校

纂定

疏脫字不敢煩勞賓使之至而久俟故限
之也

今疏脫使之至而久俟六字依通解
補

賓降至疑立

注異字誤字疑讀爲疑然從于趙盾之疑疑正
立自定之貌

通解楊圖及陳本鍾本注疑字並作
疑今本于爲疑之疑兩疑字作仡因
疏所引公羊文也然釋文于宣六年
公羊傳出仡字因而此注不出仡字
音則鄭注本作疑而不作仡字可知
張淳識誤曰注疑立自定之貌獨監
本正作止鄉射注曰疑止也諸本皆
同按士昏禮注曰疑正立自定之皀

公食大夫注曰疑正立也傳寫誤以
二正爲止並從士昏及公食大夫禮
追按此說則宋監本正字誤止今則
誤爲然矣

乃設折俎

注誤字牲體枝解節折在俎

在今誤右依諸本正之

降席至答拜

疏誤字崇克也謝賓以酒惡相充實

兩克字今本竝誤克

又誤字先後不同也

不今誤亦

賓西至答拜

注誤字明此席非專爲飲食起

食今本誤酒據疏文及諸本改

主人對至賓禮

疏誤賓坐取爵洗之時未得主人之命

時今誤特

介西至答拜

注誤以當獻衆賓

當今誤爵依諸本正之

工入至乃降

經誤相者東面坐遂授瑟

遂今誤送依唐石經及諸本正之

乃合樂至采蘋

注異字采蘋言卿大夫之妻能循其法度

循一作脩疏出注語亦作脩詩序正
作循以義攷之從循是也互詳燕禮
注

坐取至解南

經脫字執觶興盥洗北面

開成石經有盥今本無盥追按疏云

執觶興洗北面者案鄉射大射禮皆直云取觶洗南面及奠於其所不云盥此俗本有盥者誤疏明云此本有盥則注疏原本亦依石經有盥字而特言其俗耳今本竟去盥字并疏疊經語亦節去盥字則疏文不可讀矣陳氏鍾氏諸本俱同石經又按張氏識誤云疏云此俗本有盥者誤今去

盟字從疏則今本之脫盟字自張氏始也彼所校者惟鄭注故義猶可通今注疏本亦依張所校本何也

司正至降席

注誤字又同則以其字別之

字今誤序今依疏文改之通解楊圖及諸本並同賈氏

司正升自西階至以俎

疏脫字則是聘射皆有飲酒禮

今本飲誤鄉

經誤字司正升立于序端

序今誤席依唐石經校正疏文亦誤

賓降至南面

經脫字遵者降席席東南面

今本脫一席字依唐石經及諸本校

補

賓取俎 至皆降

經 誤字 則使人授俎如賓禮

授今作受依唐石經校

明日 至拜賜

經 美字 賓鄉服以拜賜

追按注云今文曰賓服鄉服明古文

經賓下無服字鄭不從今文可知今作賓服鄉服者衍也依唐石經及通

解諸本校乙服字

獻用爵 至 用解

疏

脫字

案上獻賓介獻衆賓等

獻賓下今本脫介字依通解補

薦脯 至

左房

注

脫字

左在東陽也

今本脫左字依通解及鍾氏本補

疏

誤字

雖胸挺有異

胸今誤狗

實俎

至

進膳

經

脫字

介俎脊脅肫胙肺

石經有肫今本無脫今本之無肫由
通解始也通解外注曰按介俎脊脅
胙肺印本胙上有肫字然疏云有肫
肫而介不用明本無此字也成都石
經亦誤今據疏刪去若然此經之無

肫字朱子刪之也 追按疏又云或有介俎肫胙兩言者欲見用體無常若有一大夫卽介用肫若有二大夫則介用胙故肫胙兩見亦是也云云則當時原有此兩本今若遽刪肫字則疏文後說不可通矣今依石經存此庶窮經得所考焉又按前經乃設折俎下疏引此記亦曰賓俎脊脅肩介

俎脊脅肫脰則作疏時所據之本明
有肫字矣

疏誤字蓋爲大夫俎故此闕焉

爲今誤以

又誤字此據飲酒生人之禮

生今誤主依通解校

將舉於右

疏

誤字謂若上文一人舉觶爲旅酬始

始今誤使依通解校

磬階至鼓之

疏誤鄭知此是諸侯之卿大夫者

卿今誤鄉

又脫士半天子之士縣磬而已

疏西縣鐘東縣磬下通解本有此十

字今脫

凡旅不洗

疏脫字案上一人二人舉觶皆爲旅始

今本脫一人二字據通解補

若有主公至西面

疏疑字統於賓也

賓今本作遵此據通解

儀禮正義卷四

儀禮經注疏正譌卷五

嘉定金曰追著

鄉射禮第五

疏誤字云州鄉之屬者

者今誤名

鄉射至乃請

疏脫字而記云士鹿中也

今脫而字也字依通解補

衆賓至而西

疏

脫字誤

彼與賢能有德之人故各自特

不繼有所殊別

今脫與賢能三字又特誤持並依通

解正之

尊於至東肆

疏

誤字

若據酒則以南面爲正

正今誤上

乃張

至

地武

疏

異

周禮梓人云上綱與下綱出三尋

綱寸焉

綱今本作絹釋文正作綱云于貧反
或尤粉反劉侯犬反是綱字雖有絹
音仍當依周禮作綱通解引疏正作
綱可證

不繫

至

束之

疏

脫字

又云下舌半上舌則下舌三丈左

右各出五尺

今脫下舌三丈四字依通解補

主人

至

先入

疏

誤字

故西面待之

待今誤侍

主人坐取爵

至

盥洗

注

誤字

致潔敬也

致今誤飲依通解楊圖及鍾氏諸本

正之

主人坐至反位

注誤當西序東面

面今誤西依鄉飲酒及諸本正之

主人坐取爵至獻賓

注脫進酒于賓也

今本脫酒據鍾氏本補

主人阼階上拜至賓禮

注誤字亦嘒嘒

嘒今誤齊

工四至乃降

疏誤字鄉射與大射相對

鄉射今誤鄉飲依通解正之

又脫字近首鼓處則寬近尾不鼓處并而

狹

今本脫并字據通解補正

乃合樂至采蘋

注脫四躬行召南之教以成王業

今本脫召南之教四字依鍾氏本及

諸本校補

樂至至乃降

疏誤唯作合樂於堂上

作監本誤有俗本誤付

司射 至 請射

疏 誤字 著左臂所以遂弦也

臂今誤擘據通解改正

司射先立 至 一个

疏 誤脫文 今三耦立于其西南

今本作三耦立定依通解校正

揖進 至 面揖

注 誤字 而又以有虞氏之岸爲鄉學

庠今誤序依鍾本改

南面至挾之

經誤字改取一个挾之

取今誤作依唐石經及通解楊圖鍾氏諸本正之疏文亦曰改取

司馬至負侯

疏脫字凡射主欲中侯中則使獲者舉旌

唱獲

今本脫中則二字據通解補

司射進至反位

疏誤字在西階之西

今本在誤左

又脫字謂從乏傍矢近人也

今本脫矢近人三字並從通解校正

乃射至乘矢

注誤脫十字古文而后作後非也孝經說然

后曰后者後也當從后

今本此注只作后後也當從后六字而誤脫十五字蓋因通解也依鍾本校正疏有引孝經說云云則注文脫訛顯然矣

上射

至

於左

疏誤此上射下射升與降皆上射爲先

皆今誤階

遂告至于子

經脫字皆與士爲耦以耦告于大夫

經脫以耦二字今以唐石經及諸本

校補

上射東面至東面揖

疏脫字執弓在手一手卻在裏取矢

今本脫一手二字依通解補

與進至反位

經脫字相揖退反位

顧炎武曰反位上石經有退字監本
脫追按通解楊圖及陳氏鍾氏諸本
並無退字則其脫不自監刻始矣

三耦至反位

疏誤上耦已取矢復云三耦者三耦之
中除上耦外實二耦也

此二十二字通解所引疏也今本作

上云三耦之中上耦外而言之十字
不成句脫誤可知

司射猶挾至于賓

注誤衆足以知之矣

矣今誤俟依諸本校疏疊注語正作
矣

衆賓至上耦

疏誤賓主人射則司射擯升降

擯今誤賓據記文改正

獲者負侯至送爵

疏脫是受爵於侯下

今本脫下依通解補

又誤倒薦不亦在侯者

今本誤倒薦不二字

興適至如之

經誤適左个中皆如之

皆今本並誤亦依唐石經及鍾本正

之

左个

至

既爵

疏

誤字

此約獻釋獲者司射之位

之今誤乏依通解校

卒北

至

一个

疏

脫字

與上再請射章三耦取矢訖摺三

挾一个同

今本脫再請射章四字依通解補

司馬升至賓許

注誤字誤遙號令之可也

令今作命依通解及陳本鍾本校改

衆受至階上

注誤字誤主人之贊者

贊今誤奠依鄉飲酒記及諸本校正

舉觶者至所興

經脫賓與大夫坐反奠于其所

顧氏九經誤字曰監本反下脫坐字

追按石經坐在反上又注曰古文曰

反坐則經文爲坐反更明且坐字諸

本並脫則其誤亦不自監本始唯錢

塘鍾氏本坐在反上正同石經今據

校補

司正升至南面

疏脫下云賓俎授司正司正以俎出授

從者

今本脫賓俎授司正五字

又脫字則此俟弟子升受俎者

今本脫俟字並依通解校補

以辨卒至階上

注誤字不以已尊孤人也

孤今誤於依通解及楊圖陳氏鍾氏

校改大射疏引此注亦作孤

疏脫字故降復于東階前西面北上位皆

與旅也

今本脫皆與旅三字依通解補

長受至實之

注脫字古文曰受酬者不拜

今本脫受字追按注既重叠古文自

當有受字方與經文不同茲依諸本

校補

疏誤嫌堂上下異位

今本脫上字依通解補

賓興至奏陔

疏誤鄭注鍾師 鍾師云陔夏

道按此及下鍾師云陔夏兩師字今

皆誤詩又夏誤下

西序之席北上

疏誤衆賓之席繼賓已西

席今誤序

賓俎至進腍

疏脫對左體殷所貴

今本脫體字

凡侯至鹿豕

注誤衍則經獸侯是也

注由是云焉上誤衍此六字按疏曰

云張此侯則經獸侯是也此六字本
疏釋注之語而傳寫者不知而誤入
于注耳今依通解楊圖及鍾氏本校
乙之

又誤字不忌上下相犯

今本下誤不據疏及諸本改

凡畫者丹質

疏

誤字此獸侯也

獸今誤燕依通解正之

又行字畿外諸侯九十步侯之內

今本諸侯下美者之二字依通解校

乙

射自至長武

疏脫文言長武武跡也尺二寸者

今本脫尺二寸者四字依通解補

凡適至弓矢

經誤字降階遂西取弓矢

遂今誤送依唐石經及通解楊圖敖
說鍾本正之

楅𩑦至當洗

經改字楅𩑦橫而拳之

通解外注曰拳當作奉追按石經及

舊本正作拳釋文亦作拳音權今本
皆作奉蓋因通解改也顧氏石經考

日奉石經誤作拳未徧考釋文通解
耳通解引疏仍曰楅橫而拳之

疏脫字故記言南北當洗以爲南北之節

楅橫而拳之也

今本作故記言南北當洗南北節也

脫八字依通解補

禮射至者降

注脫字勇力之取也

今本脫也字依通解楊圖及鍾本校

補

疏

誤不言鄉射者

今本不誤下依通解校正

侯道

至侯中

注

異宜於射器也

於今作用雖義得兩通然鍾本作於
疏出注語亦作於則作於爲正

倍躬 至 右舌

疏脫字云左右出謂之舌謂此兩個躬外

今本脫此兩個三字依通解補

箭籌八十

疏誤字舉成數以十耦爲正

正今誤云

長尺 至 握素

注美字刊本一膚

今本一下多作字依通解楊圖及鍾

本校乙玩疏文無作爲是

經

脫一節
七字

士鹿中翽旌以獲

注脫一節二
十一字謂小國之州長也用翽爲旌

以獲無物也古文無以獲

此節經注疏今本並脫茲據開成石

經補經七字據通解及鍾氏本補注

二十一字疏文已爲通解刪去今不

可復得矣。○通解自上文君國中射則皮樹中以下至末記文並移第于大射篇而但錄其經注故此疏亾耳。○此一節當在大夫兕中節之後

儀禮正義卷五

儀禮經注疏正譌卷六

嘉定金曰追著 受業張式慎校

燕禮第六

樂人縣

注誤字言縣者爲燕新之

言今誤宮依儀禮圖及鍾本正之

疏脫文此二者皆當天子樂師天子樂師

大夫及士

今本脫下天子樂師四字

又脫云言縣者爲燕新之者按燕在路

寢有常縣之樂今更整理之故云爲燕新之也

今本作按整理樂縣之法爲新之也

義不足照通解增定

小臣至膳者

疏脫文下注云君物曰膳

此七字通解本在疏據君而言下今
本脫

乃命

至東上

疏

錯

又大射工人士與梓人升自北階

知由堂東者以羞在房

今本知由堂東以下九字錯在又大
射之上據通解校正

主人降

至

東面對

疏

脫字

鄭以大射先行燕禮

今本脫鄭以兩字依通解補

不拜

至

告旨

疏

誤字

此則宰夫代君為主

今本作故此主人代君為主依通解

改

主人

至

于公

經

誤字

主人盥洗象觚升實之

實今誤賓依唐石經及諸本校正

疏

誤倒字

不得北面取又不得南面背君

取

取又兩字今本誤倒依通解正之

主人

至

答拜

經

衍字

西階上坐奠爵拜賓降筵北面答拜

唐石經如此今新舊諸本于奠爵拜

下連疊兩賓字作奠爵拜賓句賓降

筵又句但按大射禮當此節祇曰西階上坐奠爵拜賓西階上北面答拜並無疊兩賓字則當從石經刪一賓字爲是諸本非也

主人至
上拜

注誤
字拜者拜其酌已

已今誤也依諸本改正

主人降
至面立

注誤字其禮彌卑

禮誤體依諸本校改疏出注語可證

媵爵至洗南

疏誤字猶執觶待于洗南

猶今誤故依通解校改

若君至再拜

經誤字媵爵者洗象觶升實之

實亦誤賓依石經及通解諸本校改

疏誤又楹北往君所奠訖 亦右還而

反

今本往誤佳右誤又並依通解校改

公有至稽首

注異是亦不言成拜

亦今作以通解及鍾氏本並作亦

射人至受旅

疏疏云長者尊先而卑後者君酬賓賓

則旅三卿

今本脫君酬賓三字依舊刻儀禮圖

校補

賓大至答拜

疏誤字賓在西階上酬卿

在今誤有依通解校改

主人洗至階上

疏誤字君酢主人

酢今誤作依通解校改

射人至之禮

疏誤故同稱公

公今誤云依通解校改

請致至再拜

注脫古文云阼階下北面再拜

注自優暇也下通解及鍾本更有此

十字今本脫

疏誤言若者不定之辭

若今誤君

主人洗至復位

疏脫不酢爵辟君

今本脫辟字追按作辟君方與前注

相應據儀禮圖校補

胥薦至無胥

疏脫故知此胥是膳宰之吏

脫故知此三字依通解補

卒射 至 就席

經 脫字 大夫皆升就席

經脫升依唐石經及鍾氏諸本校補
按前主人洗升節疏標起止曰自此
盡皆升就席則舊本有升字可知

小臣 至 乃降

注 誤字 燕禮輕

燕今誤按依諸本校改疏出注語可證

乃間至由儀

注誤字此采其物多酒旨

旨今誤者依諸本校改

遂歌至采蘋

注異字采蘋言卿大夫之妻能循其法度

循今作修鄉飲酒禮注作循詩序亦

作循今據改正

又誤字於時文王三分天下有其二德化被

於南土

今本時誤是南誤西今依鄉飲注及

諸舊本校改

大師至歌備

經脫字大師告于樂正曰

今脫于依石經及諸本校補

注誤
字教六詩

六詩今誤大師依周禮及諸本校改
疏疊注語六詩誤六師

射人至
司正

疏脫
文故立司正之後乃行旅酬

此十字在疏文徧獻之後乃行旅酬
之下今依通解校補

賓反至
乃安

疏

誤倒

則君之說屨在堂上席側

今本之字誤倒在說屨下

又

脫

則君尊脫屨于堂上席側可知也

疏脫堂上二字今依通解及儀禮圖

校補

羞庶羞

疏

誤倒

鄭知有此物者以經云庶羞不唯

二豆而已此注不言炮鼈以下注文不

具也

今本鄭知至而已十七字誤倒在注
文不具之下于文不順依通解及儀
禮圖校正

主人至送觶

經誤字主人拜送觶

九經誤字曰監本送誤受今依石經
及諸本校改

若射至之禮

疏衍字故大射初

故下今本誤衍日字

大夫至上辯

經誤字大夫立卒爵不拜實之

實今誤賓依石經及諸本校改

主人至之禮

注誤字凡獻皆薦也

薦今誤爵依疏文及鍾本校改

士不至皆辟

疏誤字今乃沒賓不言賓

疏沒誤設依儀禮圖校改

對曰寡君君之私也至敢辭

注異字私謂獨有恩厚也

鍾氏本作有今本有作受

又脫字怖懼用勢決之辭也

今脫也字依疏文補

經脫四

其牲狗也

注脫十狗取擇人也明非其人不與爲禮

也

顧氏九經誤字曰亨于門外東方下

石經有其牲狗也四字

追按石經其

牲狗也四字在燕朝服于寢句下亨

于門外東方句上顧誤考又按鄉飲

酒鄉射其牲狗也皆在亨于堂東北
之上尤爲明證今本此節經注疏並
脫今經文取之石經注則取之舊刻
儀禮圖及錢塘鍾氏本一一補正而
惜其疏已亡不可考矣。再按鄉射
記疏曰鄉飲酒鄉射義取擇賢士爲
賓天子以下燕亦用狗亦取擇人可
與燕者據此則燕禮有其牲狗也益

明但此四字顧謂亾于明之監刻則
又不然蓋今儀禮經文之與石經異
而脫譌者求之朱子經傳通解皆與
石經同而與今本異獨此四字通解
亦無故知其脫不自監本始也又公
食記亨于門外東方上亦無其牲句
未詳何義

賓爲至
爲賓

注誤字今燕又宜獻焉

宜今誤且依疏出注語及諸本改正

疏脫誤字於是席之于阼階西而又敬之

今本脫而又二字衍一且字之誤也

又誤字今苟敬之前

今今誤但並依通解及儀禮圖改

與卿至爲賓

注誤字君恒以大夫爲賓者

恒今誤但依通解校

若以至樂闋

注異字以鐘鐃播之

鐃今作鐃按鐃字釋文無音通解及

儀禮圖陳氏鍾氏諸本並作鐃

若舞則勺

注誤字告成大武之樂歌也

武今誤舞依鍾本校改

凡薦至宰也

注脫字上特言羞卿者小膳宰者

膳宰下今脫者字依疏出注語及諸

本校

上射至而俟

注脫字答對

鍾人饌本此經而俟下有鄭注二字

今本脫

若與至爵者

注誤謂公鄉者酬之

今本鄉誤卿酬誤酌依通解及陳本校改釋文鄉字亦有音

儀禮正譌卷六